



Gondomar está sufrindo uns dos peores desbordes fluviais dos últimos anos. Unha riada tomou a praza de Abastos, que se atopa agora mesmo totalmente asulagada. O desborde penetrou en varios locais comerciais da contorna. A ponte da parroquia de Mañufe está cortada e non é posible atravesar o río. Na mesma parroquia moitas familias teñen as fincas totalmente anegadas e estragadas no barrio de Moreira.

Unha familia en Mañufe atópase refuxiada na segunda planta da vivenda, logo ca auga romperá o muro de contención e unha onda impactará contra a finca. A crecida comezou pasadas as 16 horas e medrou sobre as 17h. Varios automóbiles quedaron atrapados pola corrente. Hai preocupación dos veciños e comerciantes polo que pode suceder nas próximas horas.

Ai queixas dos afectados pola falla de previsión municipal. Un dos comerciantes manifestou a Valminor.info que as arquetas non estaban preparadas para aliviar o que era previsible na zona da praza de Abastos. Tamén denunciaron a falla de limpeza do río e as cunetas que non soportaron dous días de choivas. Aínda non hai avaliación dos danos materiais.

Actualización 21h: As causas dos asulagamentos en Sabarís foron debidos ao arrastre de maleza que taponaron varias pontes dende o Caeiro ata o centro de Sabarís. Os tapóns de ramallos fixeron desbordar o río á altura do mercado. Aínda así o novo sistema de contención posto no ano 2006 pola Xunta e o bypass final na rotonda do Camping conseguiron evacuar toda a auga.

{youtube}JAiIDkJmNPs{/youtube}

Riada e desbordes fluviais en Gondomar e Sabarís

Escrito por Alvaro Peralta

Mércores, 26 Outubro 2011 18:18

{youtube}33BJ7a0zCRg{/youtube}

{youtube}HuxR8wHUJKo{/youtube}

{youtube}uAZpspT-pQE{/youtube}